

Na osnovu člana 16. stav 2. Zakona o Vladi Zeničko-dobojskog kantona – Prečišćen tekst („Službene novine Zeničko-dobojskog kantona“ broj 7/10), Vlada Zeničko-dobojskog kantona na 11. vanrednoj sjednici održanoj 22.01.2013. godine donosi:

O D L U K U

o privremenom raspolaganju sredstvima sa posebnog ESCROW računa

Član 1.

Odobrava se privremeno raspolaganje sredstvima sa posebnog ESCROW računa u iznosu od 2.221.969,50 KM za potrebe osiguranja sredstava za isplatu plaća i naknada za mjesec decembar 2012. godine zaposlenicima budžetskih korisnika Zeničko-dobojskog kantona.

Član 2.

Sredstva iz člana 1. ove Odluke vratit će se na poseban ESCROW račun u roku do 30 dana od dana prijenosa sredstava.

Član 3.

Za realizaciju ove Odluke zadužuje se Ministarstvo finansija, u skladu sa zakonom i podzakonskim aktima.

Član 4.

Odluka se dostavlja Skupštini Kantona radi upoznavanja.

Član 5.

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02- /13

PREMIJER

Datum, 22.01.2013. godine

mr.sci. Fikret Plevljak, dipl.ing

Z e n i c a

Dostavljeno:

- 1 x Ministarstvo finansija,
- 1 x Stručna služba Skupštine Kantona
- 1 x Stručna služba Vlade,
- 1 x „Službene novine Zeničko-dobojskog kantona“
- 1 x a/a

O b r a z l o ž e n j e

Pravni osnov

za donošenje Odluke o privremenom raspolaganju sredstvima sa posebnog ESCROW računa je sadržan u članu 16. stav 2. Zakona o Vladi Zeničko-dobojskog kantona – Prečišćen tekst („Službene novine Zeničko-dobojskog kantona“ broj 7/10) kojim je utvrđeno da se odlukom uređuju pojedina pitanja ili propisuju mjere Vlade i odlučuje o drugim pitanjima.

Razlozi za donošenje

Odredbom čl. 33. stav 2. Zakona o privatizaciji preduzeća („Službene novine Federacije BiH“ broj 27/99, 8/99, 32/00, 45/00, 54/00, 61/01, 27/02, 33/02, 28/04, 44/04, 42/06, 4/09) je regulisano da novčanim sredstvima ostvarenim u procesu privatizacije iz nadležnosti kantonalne Agencije za privatizaciju, sredstvima sa posebnog fonda, upravlja Vlada kantona u kojem je ostvaren konkretni prihod. Nadalje, istim članom je utvrđeno da Razvojna banka utvrđuje namjenu korištenja navedenih sredstava. Ministarstvo finansija je od 2009. godine, u više navrata tražilo mišljenje od nadležnih federalnih organa, kao i autentično tumačenje citiranog člana, jer odredba člana 33. nije jasna, niti je na nedvosmislen način utvrđeno ko, kako i u koje namjene može koristiti navedena sredstva. S obzirom da se isti nisu izjašnjavali po navedenom pitanju, niti je Razvojna banka svojim aktom utvrdila način raspolaganja, namjenu korištenja navedenih sredstava (iako je to bila obaveza iz člana 33. stav 3) , Vlada Kantona je odlučila privremeno, u periodu ne dužem od 30 dana, raspolagati sredstvima sa posebnog ESCROW računa u iznosu od 2.221.969,50 KM za potrebe osiguranja sredstava za isplatu plaća i naknada za mjesec decembar 2012. godine zaposlenicima budžetskih korisnika Zeničko-dobojskog kantona.

Ovo iz raloga što zbog stanja trenutne likvidnosti i nedovoljnog priliva javnih prihoda, nedostaju budžetska sredstva za isplatu plaća i naknada za mjesec decembar 2012. godine u utvrđenom roku.